

Ժ .

Ծօ՛, այս մութ ու մլար տարիս՝ քեզկէ չէր բերեր մարըն գիս.
Եբեր սիրու տեր արաւ, ու եդիր զընծիլն ի ճըտիս.
Թէ քաշեմ նա ցաւ կուտայ, եւ թէ չէ նա կ'ելնէ հոգիս:

Ժ Ա .

Ա՛յ իմ քեաֆուրի քեաֆիր, մի՛ վառիր առջեւ քեաֆիրի.
Քան գկըթոյայ ի լի կեցիր, մի՛ ճապղիլ ամէն ճեհիլի.
Չետ վարդ, զէտ մուրտ մի՛ լինիր, որ ամէն փողոցք նա բուսնի.
Նունուֆար ծաղիկ եղիր, որ ծովուն յատակն երեւի:
Յագար աչք ի քեզ հայի, հագար ձեռք ի քեզ չըհասնի.
Քո սերդ է ի ծով նըման, լողալով սիրուդ չըհասնի:

Ժ Բ .

Աւա՛ղ ու հագար աւա՛ղ, որ գայլուն բախտովն եմ եղեր.
Սովուն չեմ կարեր քայլել, նա կ'ասեն թէ զառ մ'է կերեր:
Սիրու երես չեմ տեսեր, կու ասեն թէ ծոցն է օթեր.
Չետ գիս զըրաբախտ մանուկ չեմ մընար թէ մարն է բերել:

ՔՍԱՆԵԻՉՈՐՍԵՐՈՐԴ ՏԱՂԱՇԱՐՔ

Ա .

Ի՞նչ անեմ կամ ի՞նչ լինամ, ուր տեսնամ աղուոր նա սիրեմ.
Թէ գյաւիտենից պատճառն եմ ուսել, ես երթամ ասեմ.
Չաղէկն այլ ի գիրկս առնեմ 'ւ Աստուծոյ երթամ ցըցընեմ,
«Չաղէկըն դու ստեղծեցիր, ինձ է՞ր մեղք դընես թէ սիրեմ»:

Բ .

Նաղաշ մ'ըզդէլէմն առեր՝ լութ գսուրաթ ի թուղթն է զըրել.
Չետ որ ի յուներն ելեր, նա ինկեր նաղաշն ու թալցեր:
Մէկ մ'ըզնաղաշին նաղաշն է տեսեր ու հեյրան եղեր.
Ես զիմ Աստուծոյ ստեղծածն եմ սիրել 'ւ ի ճօշք են առել:

Գ .

Յայրեն մի կամիմ ասել որ լըսեն քարերն անդընդոց,
Ամէնն ի եարի ճօթեն որ նըստել է ի գիրկն այլոց.
Ասիր դու ի քո մըտին թէ՛ «Սիրեմ զիմըն ու զայլոց».